

ad hos audiendos invitaremus, nisi Vos hoc lubentissimè facturos consideremus, ut quibus hic natus Θεὸς ὁ ὕψιστος, JESUS CHRISTUS, unice & curæ est & cordi. Interea summâ Vos rogamus observantiâ, sanctâq; officiorum & servitiorum promissione, ut die crastini finis à concione ad nos visere, simulq; nobiscum sancta JESU CHRISTI Genethlia devotè meditari velitis, quò ipsò magnum Pietatis opus exhibebitis.

Tu verò, dulcissime JESU, Redemptor & Salvator unice, fac ut & nos Te concipiamus in pectore, quemadmodum olim Maria Te concipiebat in ventre. Concipiebat Te extimescendo; nos quoq; faciem Tuam extimescamus, siquidem timor Tui est initium vere sapientie. Concipiebat Te inquirendo, non gratiâ incredulitatis, sed causâ docilitatis; nos quoq; scrutemur & inquiremus præsepe Tuum Ecclesiam veram, explicemus fascias Tuas, scripturas sacras. Concipiebat Te Maria castè vivendo, quia virum non cognoverat; nos quoq; castitatem sectemur, ut Te castitatis amatorem amplexemur. Concipiebat Te sese humiliando, quia se ancillam Tuam professâ est; nostræ quoq; animæ demissæ sint; non elatæ, modestæ, non tumentes, quum superbi resistas, humilibus autem gratiam concedas. Deniq; concipiebat Te credendo, dum sese totam arbitrio Tuò permisit; O etiam nos credamus, nos fidamus, nos adstuplemur! Sic enim invitari, sic conciperi, sic nobiscum habitabis. Sic Spiritus Sanctus superveniet in nos, & virtus Altissimi obumbrabit nobis.

Fiat. Amen. Fiat! Quò fiant omnia, faxis
Sancte infans fate patre Deo, fate virgine matre.
P. P. Budisse XXV Idò Decembris, anni prolapsi
CI, CICXLIV.

F I N I S.

